

S. CÆSAREÆ MAIESTATIS
PRIVILEGIUM.



MAXIMILIANVS Secundus, diuina fauente clementia, electus Romanus Imperator, semper Augustus, ac Germaniæ, Hungarię, Boiemię, Dalmatię, Cruatię, Sclauonię, &c. Archidux Austrię, Dux Burgundię, Stirię, Carinthię, Carioiæ, & VVirtenbergę, &c. Comes Tyrolis, &c. Recognoscimus & notum facimus, tenore præsentium vniuersis Remp. benè & rectè constitutam, non tam armis, mœnijs, & propugnaculis, quàm litterarum studijs, & viris rebus agendis aptis & idoneis munitam esse decet. Animaduertentes autem ad conseruandas & propagandas bonas artes, ac seminarium quasi virtutis constituendum & retinendum, eas peras Typographicas plurimum adiumenti conferre: Ideò non eos solùm, qui Reipubl. domi aut foris prodesse, vel hostium iniurijs propulsandis, vel pro Tribunali Ius & iustitiam administrando, quietè tranquillitatèq; publicā tueri solent: sed etiam inprimis existimamus fouendos, qui rei literarię curam suscipientes, non de nostra solùm ætate, sed de posteris etiam mereri nituntur.

Cùm igitur nobis expositum sit, nostri & Sacri Imperij fideles dilectos, M. Georgiū Bruin, M. Franciscum Hogenbergiū, necnon M. Simonem vanden Noeuel, non sine multo laborum tædio, & graui sumptu, Ceuitates Orbis Terrarum, accuratissimè deliniatas, ac alia, quæ ad earum originem ac historiam spectarent, summa diligentia collegisse, atq; constituisse illas Ciuitatum delineationes, cū historica enarratione, ad communem rei literarię vtilitatem in publicum edere, deterriri autem sinistris æmulatorum artibus, qui falcem in messem alienam iniicientes, ex aliorū laboribus, priuata cōmoda venari soleant, nobisq; proinde humiliter supplicatum sit, vt pro nostra in litterarum studia & Musarum alumnos, affectione, ipsis clemēter subuenire Cæsariaque auctoritate nostra, nimiam æmulatorum licentiam benignè coercere dignaremur. Quibus quidem precibus, gratiosè admissis, præsentium vigore, sciēter animoque benè delibato, & Cæsarea auctoritate nostra seriò decernimus & statuimus, quod nemo pictorum, cælatorum, Typographorum, Bibliopolarum, & aliorum, qui vendendis, vel imprimēdis libris, seu quacunque alia ratione librariam negotiationem exercent, æmulisq; opus illud imitaturis, pingendis, sculpendisque, aut alio quouis modo exornandis, atque illustrandis imaginib. & tabulis vsui vel auxilio esse possunt, memoratam M. Georgij Bruin, M. Francisci Hogenbergij, M. Simonis vanden Noeuel, Ciuitatum Orbis Terrarum descriptionem, deliniationib. & historica enarratione illustratam, intra decennium ab ædificationis absolutæ die numerandum, coniunctim vel diuissim. ipsis inscijs aut inuitis, nec typis, nec sculptura, seu quocunque alio modo, aut characterē, æmulari, aut imitari, vel aliunde allatum, intra Sacri Rom. Imperij fines vendere, ac distrahere publicè, vel occultè possit aut debeat. Si quis autem præsens edictum nostrum transgredi aut violare, memoratumque opus recudere, & in fraudem auctorum spargere conatus fuerit, cum non solum huiusmodi libris, tanquam commissis & prædictis M. Georgio Bruin, Francisco Hogenbergio ac Simoni vanden Noeuel, vel hæredibus, aut mandatum habentibus, auxilio Magistratus eius loci, vbi deprehensi fuerint, vendicandis priuari, sed in super etiam pœna decem marcarum auri puri Fisco nostro Imperiali, fraudis vindici, & parti lęsæ ex æquo soluenda & numeranda multari volumus. Mandantes vniuersis & singulis nostris, & S. Rom. Imperij subditis & fidelibus dilectis, tam Ecclesiasticis, quam secularibus cuiuscunque status, gradus, ordinis & conditionis extiterint, præsertim verò ijs, qui in Magistratu constituti sunt, ac vel suo, vel superiorum suorū loco & nomine, Iuris & Iustitię administrationem exercent, ne quenquam hoc Priuilegium, seu interdictum nostrum impunè violare, spernere aut negligere patiantur. Sed, si quos contumaces compererint, præscripta pœna plecti, & quibuscunque rectè fieri potest modis coerceri curent, quatenus & ipsi grauissimam indignationem nostram euitare voluerint. Id quod testamur præsentibus literis, manu propria subscriptis, & Cæsarei sigilli nostri impressione munitis. Datum in Ciuitate nostra Vienna, die vigesima octaua mensis Augusti, Anno Domini Millesimo Quingentesimo Septuagesimo secundo, Regnorum nostrorum, Romani decimo, Hungarici, nono, Boiemici verò vigesimo quarto.

Maximilianus:

V. Io. Bab. VVeber, &c.

Ad mandatum Sac. Cæs.
Maiestatis proprium.
Obernburger

TENOR PRIVILEGII REGIS CATHOLICI.



VICTORITATE Philippi Hispaniarum Regis, cautum est, ne quis præter Francisci Hogenbergij voluntatem, hos de præcipuis, totius Vniuersi, Ciuitatibus libros, Auctore Georgio Bruin Agrippinate conscriptos, coniunctim vel diuissim, sculptura, characterē, aut quocunque modo, intra decennium imitetur, depingat, aut imprimat, vel alibi, quocunque modo excusos, aut depictos, in aliquo Brabantię, vel Transmosanarum ditionum loco per se, vel alios, clam vel apertè distrahat. Sub pœna, in diplomate contenta. Datum Bruxillæ, XXII. Nouemb. M.D. LXXIII.

Ex Consilio.

Io. de Vitte.